

Die Wapad

SAWA Oos-Kaap



AJV Van Stadens



Gamtoos Ferry




Bergrivier Boskamp



Bestuurskamp Pine Lodge

INHOUDSOPGAWE



UIT DIE WOORD.....	3
VOORSITTERS VERSLAG.....	4
REDAKTEURSBRIEF.....	5
LIEF EN LEED.....	6
IETS VIR DIE LAGSPIERE EN EREKODE.....	7
AJV – VAN STADENS KAMPVERSLAG.....	8
NUWE LEDE.....	9
STREEKTOEKENNINGS BY AJV.....	10
BESTUURSKAMPVERSLAG PINE LODGE.....	13
‘n KWESSIE VAN STANDAARDE.....	14
KONGRES.....	15
BERGRIVIER BOSKAMP.....	17
KAMPRESEP.....	19
GAMTOOS KAMPVERSLAG.....	20
ADVERTENSIEBLAD.....	21
LEDE-INDELING.....	22
VERJAARSDAE.....	23
JAARPROGRAM.....	24
SAWA STREEF DAARNA.....	25

Tensy anders vermeld word daar ook van die Internet en Facebook gebruik gemaak vir inligting

Uit die Woord

Jy's vrygemaak deur JOYCE MEYER (Lééf September 2014)

Komaan! Hoe lank gaan jy nog sê: “Dis te swaar!”, “Dis te veel!”, “Dis onregverdig!”.... Wanneer gaan jy dié mense wat jou verniel het, vergewe?

Hoe lank gaan jy nog op die paddas trap en saam met hulle slaap? Bitter-paddas, jaloers-paddas, bang-paddas, ondankbaar-paddas, verwyte paddas, bekommer-paddas...?

Jy wonder seker waar ek aan dié paddas kom. Ons lees in Eksodus 8 oor Moses se stryd met die farao om die Israeliete te laat gaan. In vers 2 waarsku Moses die farao oor wat God sê: “As jy weier om hulle te laat gaan, sal Ek paddas oor jou hele land laat kom. Hulle sal in jou slaapkamer inkom en bo-op jou bed spring. Hulle sal selfs in jou bakoonde en jou broodpanne gaan sit.”

Die farao het by Moses gesoebat dat hy tog die Here moet smee om die paddas weg te vat. En toe Moses vra wanneer dit hom sal pas, het die farao geantwoord: “Môre sal vir my reg wees” (vers 10). Eers more? Ek sou dit nie ‘n enkele dag langer met die paddas wou uithou nie!

Tog, as ‘n jong gelowige wat as kind deur haar eie pa seksueel misbruik is, het ek jare lank “saam met die paddas geleef”. Toe ek op 18 my ouerhuis verlaat het, het ek gereken dat ek my vrede daar agterlaat.

Maar nee. My siel was stukkend, my hart gebroke...

My tong was giftig en ek wou net my sin kry. Ons was skaars drie weke getroud toe Dave my ná die soveelste rusie verslae gevra het: “Wat makeer jou?”

Ek was gered, maar ek was miserabel. My gedagtes was ‘n rommelhoop en my emosies ‘n wrak. Uiterlik was ek ‘n selfversekerde jong vrou, aan die binnekant was ek aan flarde.

Ek was jare lank bitter alleen, want ek wou vir niemand van my verlede vertel nie. Dis presies wat Satan wou hê! Geheime wat lewend begrawe word, sterf nie. Eers in my laat twintigs kon ek die moed kry om met iemand daaroor te praat.

Ek het aan God se beloftes vasgeklou en toegewyd Sy Woord begin bestudeer. In daardie jare het Jesaja 61: 1-3 my gedra. Dit lui in die 1953-vertaling, “Die Gees van die Here is op My, omdat die Here My gesalf het om ‘n blye boodskap te bring aan die ootmoediges; Hy het My gestuur om te verbind die gebrokenes van hart, om vir die gevangenes ‘n vrylating uit te roep en vir die geboeides opening van die gevangenis; om uit te roep ‘n jaar van die welbehag van die Here en ‘n dag van wraak van onse God; om al die treurendes te troos; om vir die treurendes in Sion te beskik dat aan hulle gegee word sieraad vir as, vreugde-olie vir treurigheid, ‘n gewaad van lof vir ‘n verslae gees; sodat hulle genoem kan word terebinte van geregtigheid, ‘n planting van die Here, tot sy verheerliking.”

Vers 7 belowe: “In plaas van hulle skande ontvang julle ‘n dubbele deel...” Dit het my staande gehou. Weier om ‘n dag langer saam met die paddas te leef! Jesus het geleef en gesterf om jou te red en heel te maak (Mattheus 9:11-12). Vrede en blydskap is jou erfenis as jy Sy kind is (Romeine 14:17). Laat Psalm 118:24 in jou hart weerklink: “Dit is die dag wat die Here gemaak het; laat ons daarvoor juig en bly wees.”

DIE VOORSITTER SÊ...

Die AJV van 2014 het gekom en gegaan. Dit is maar moeilik om die lede te kry om te verstaan dat ons die kampterreine moet laat weet hoeveel kampers gaan kom kamp. Daar was 'n aantal lede wat aangetoon het hulle gaan kom kamp by Gamtoos en toe daag hulle nie op nie en dan was daar lede wat nie aangedui het hulle gaan kom kamp nie en toe gelukkig opgedaag het. Ons kon toe darem die 55 staanplekke vul wat ons bespreek het. Wee die dag wanneer u 'n rekening van 'n kampterrein kry omdat u nie opgedaag het nie en dan is daar die lid wat gaan opdaag en daar is nie vir hom plek bespreek nie. Lede moet verstaan dat die streek nie kan pa staan vir gelde wat geëis word wanneer ons nie die bespreekte getal staanplekke kan vul nie. Om die probleem op te los word daar nou 'n naamlys van lede, wat aangedui het hulle gaan kom kamp, aan die kampterrein gegee waarop die lede sal moet teken wanneer hulle aanmeld. Dankie aan 99% van die lede wat verstaan en reageer op die SMS's en eposse, en dit vir ons as bestuur maklik maak om te beplan vir 'n kamp.



Een van ons mikpunte vir die jaar is om kommunikasie met lede op datum te bring. Ons poog om ten minste 2 weke voor 'n kamp datum 'n kampkennisgewing aan al die lede uit te stuur. Die lede met eposse moet asseblief so gou moontlik aan Liana hulle epos adresse stuur sodat ons, ons rekords op datum kan kry. Indien u selfoon of epos adres verander het, moet u ook asseblief so gou moontlik vir ons laat weet. Indien u geen eposse of SMS's ontvang nie moet u asseblief vir my of Liana daarvan verwittig.

Baie dankie vir die geleentheid wat ek en Liana gehad het om die afgelope Kongres te Buffelspoort by te woon. Mense, ons kan nie kla oor die pryse wat ons hier betaal vir kampe nie. In die binneland is 'n goedkoop SAWA tarief rondom R200 per nag en jy mag nie meer as 4 mense wees nie. Saamstaan op een staanplek is uit. Slaan jy 'n tentjie vir die kinders op is dit sommer 'n ekstra staanplek of per kop ekstra. Dit is nadat jy tussen R50 – R150 vir tolgeld betaal het.

Ons President, Oom Nico Spaumer, het nogal iets baie waar gesê in sy toespraak tydens die vergadering. Ek haal Oom Nico aan met die volgende: "Jy kry drie tipes kampers in SAWA. Nommer een is die SAWA Lid, hy betaal gereeld sy ledegeld en bedryfsfonds, maar hy kom kamp nooit nie. Hulle is die sogenaamde dooie lede. Die tweede is die SAWANANT, hy betaal sy ledegeld en bedryfsfonds, en hy kamp gereeld en neem aan alles deel wat SAWA hom kan bied, altyd bereid om te help met alles en wil net weet wanneer kamp ons weer. Die derde lid is die SATANANT, sukkel om fondse uit hom te kry, kamp soms, maar hy kla oor alles en almal. Hy sien fout met alles en wil net altyd alles bevraagteken en het nooit 'n goeie woord vir niemand nie. Niemand wil gewoonlik saam met hom staan nie". Oom Nico het toe gevra ons moet besluit watter tipe lid ons is en of SAWA die regte plek is vir ons. Dit het my nogal laat nadink en ek het besef ons het ook van al drie die tipes in SAWA Oos-Kaap.

Die kalenderjaar is vinnig besig om uit te loop. Die matrieks en graad 11's begin binne die volgende paar weke met eksamens en die ander gaan kort daarna begin. Ons wens almal sukses toe met hulle uitslae en voorspoed aan ons matrieks met hulle toekomsplanne. Aan die ouers van die matrieks, hou goeie moed, "Hulle weet mos alles".

Aan die lede wat die jaar gereeld kampe bygewoon het, dankie dat julle nie julle ledegeld gemors het deur nie te kom kamp nie.

Dankie, aan al die bestuurslede wat so getrou op hul pos was. Ek weet dit is 'n ondankbare werk om partykeer net die negatiewe te hoor, maar almal weet dat julle net julle beste gee vir SAWA Oos-Kaap. Ek hoop en glo dat 2015 net beter kan wees as die verlede, want ons leer mos uit ons foute en ons verbeter dit wat goed is.

Johan Steynberg

Redakteursbrief

Ek lees nou die dag in 'n tydskrif dat 'n goeie lewensfilosofie vir Oktobermaand is dat jy moet meer as gewoonlik diep asemhaal, en hou by die wyse woorde *Keep calm and carry on*. Die tyd van die jaar is jy al ver genoeg die kalender in om te weet dat jy nooit alles gaan klaarkry nie en Kersfees is nog te ver weg dat jy kan begin dink aan ontspan en vakansie hou.



Hierdie is my eerste uitgawe as julle nuwe redakteur en ek het regtig baie hard gewerk hieraan. Dit het gevoel of ek weer op Universiteit is, want dit was wanneer laas ek so baie tyd voor 'n rekenaar deurgebring het. Al die funksies soos om die raampies te trek dan te vul met verskillende kleure en om die prentjies te "crop" het darem so stelselmatig teruggekom. Uiteindelik het ek dit baie geniet!

Oktober is borskanker bewustheidsmaand. Ons almal word op die een of ander manier hierdeur geraak. Ons kon dalk 'n vriend, familielid of geliefde aan die dood afgestaan het of by hulle gestaan het deur hulle stryd om aan die ander kant uit te kom. Dan is daar die Big Walk for Cancer wat plaasvind op die 25ste Oktober 2014 by die Boardwalk, Summerstrand. Fondse wat ingesamel word gaan vir die Igazi Foundation. Die hele gesin kan aan die stap deelneem en ek hoop die SAWA lede gaan dit ondersteun aangesien ons by Willows kamp en dit sommer lekker naby is.

Dan is dit al weer tyd vir die matrieks om hul eindeksamen te skryf. Glo dit gaan 'n stresvolle, maar ook opwindende tyd wees wat vir hulle voorlê. Daar is baie nuwe avonture wat op hulle wag, ongeag of dit nou die begin van 'n werk of verdere studies is. Ons glo dat dit met elkeen van hulle baie goed sal gaan en dat hulle 'n sukses daarvan sal maak.

Vir al die ander skoliere en studente – Sterkte met die laaste kwartaal en ook aan al die ouers wat net so hard saam met die kinders leer (en stress!).

Ons volgende kamp is dan by Willows. Ek hoop om meeste van julle daar te sien. Tot dan bly veilig en ek hoop julle lees lekker aan hierdie uitgawe.

Groete

Ischke Lambrechts



Lief

- Barend & Lenie Swanepoel het ouma- & oupagrootjie geword
- Johan & Kobi Rossouw het ouma & oupa geword
- Tannie Cecile Meyer het haar 80ste verjaarsdag gevier
- SAWA het hul 45ste verjaarsdag gevier
- Monre Lerm het OP verteenwoordig in tweekamp. Hy is ook verkies tot die leerlingraad van 2015.
- Merissa Lerm het aan die WJKA Africa Open karate deelgeneem en silwer gekry in Kumite
- JJ Swanepoel het sertifikaat vir tennis, volkleure vir 1ste span skaak en trofee vir DP se beste skaakspeler by sportdinee gekry
- Zelvone het baie goed gevaar in haar skaak
- Edmar Du Preez het SA klere gekry vir kleiduifskiet asook vol kleure by die skool
- Juandre Hall het 'n sertifikaat vir Tennis gekry
- Lienke Strydom is een van 4 kinders in die klas wat 'n 100 stuk puzzle kan bou
- Gerrie en Lorna van Rooyen se dogter het verloof geraak

Leed

- Adele Engelbrecht het haar arm gebreek
- Oom Gert Scheepers moes weer met behandeling begin
- Sandra Meyer moes 'n klein operasie ondergaan
- Sandra Wait was in die hospital vir toetse
- Jacques Swanepoel het 'n heupbesering opgedoen
- Megan Momberg moes 'n paar spesialiste gaan sien rakende haar kondisie "scoliosis"
- Johan en Stienie se ma het geval en haar heup seergemaak



Monre Lerm in aksie



Monre Lerm by inhuldiging van leerlingraad 2015



Merissa Lerm


Iets vir die Lagspiere

Gister toe stop die polisie daar op my plaas... " I am here to check if you are growing any illegal drugs". Ek sê ok, als reg, moet net nie in daai veld daar gaan nie. Hy sê toe vir my "I am an officer of the law and with this badge I can go anywhere on your property I feel like! Do you understand?!!! Terwyl hy sy polisie badge onder my neus rond waai. Ek vra toe omverskoning en gaan toe maar aan met my ander take.

Seker so drie minute later hoor ek hoe die man gil vir help, kyk toe op en sien hom hardloop voluit met my ou, befoeterde bul sterk op sy hakke. Ek gooi toe al my gereedskap neer, hardloop na die draad toe en skree so hard soos wat ek kan – JOU BADGE! WYS HOM JOU POLISIE BADGE!

(Hierdie is nou glad nie gemik op die dienaars van die gereg wat saam met ons kamp nie)

Erekode



Hiermee verbind ek myself en my gesin tot die Grondwet, asook Tot die Reëls en Gedragskode van die Suid-Afrikaanse Woonwa-Assosiasie
Verder verbind ek myself tot die volgende:


1. Ek sal strewe om die Christelike grondslag van SAWA te bewaar en uit te lewe;
2. Ek sal SAWA dien sover ek kan en alles in my vermoë doen om ons Assosiasie uit te brei;
3. Ek sal ons geliefde land se natuurskoon en sy fauna en flora beskerm en bewaar;
4. Ek sal poog om alle openbare geriewe en fasiliteite tot my beskikking so te benut dat ander gaste dit sonder ongerief kan gebruik;
5. Ek sal poog om in alle opsigte hoflik te wees, beleefd op te tree en bedagsaam te handel teenoor alle padgebruikers;
6. Ek sal daarop let om nie deur my gedrag die eer van SAWA te skend nie, maar sal poog om die agting van almal met wie ek in aanraking kom, af te dwing.



Oos-Kaap

AJV - Van Stadens

15 tot 17 Augustus 2014



So kom ons al weer aan die einde van die SAWA-jaar en is dit weer tyd vir die beplanning van die nuwe SAWA-jaar met 'n nuwe bestuur aan die stuur van sake.

Vrydag-aand neem Liana boekevat waar en daarna word daar heerlik om die vure gekuier. Saterdag-oggend vroeg moes sommige lede terugry dorptoe om hul kinders by sportbyeenkomste te kry, vir hul laaste wintersport wedstryde terwyl die gelukkiges vroeg-oggend ver langs die strand kon gaan stap en die vars seelug kon in-asem. Die gelukkiges kon op die strand gaan stap terwyl die bestuurslede alles in gereedheid moes kry vir die AJV.



Die vergadering verloop seepglad en die bestuur word onbestrede verkies. Die aand is daar weer gereedgemaak vir die toekenning van die trofees en braaivleisvure word aangesteek. Die bestuur het heerlike brood en slaaie voorgesit en daarna is daar 'n bietjie geskoffel.





Sondag-oggend het Ds Rudi vir ons die diens gelei en daarna het die kinders heerlik op die sandduine en in die water gebaljaar voordat ons weer laatmiddag moes terugkeer huis toe om weer die nuwe week vol moed en energie aan te pak.

Sandra Fourie

Nuwe lede



Die Humans – Gerhard, Anton, Pauline en Thyssie



Die Van Tonders – Ds Rudi, Natasja & Migael

Ek sal in die volgende uitgawe julle 'n bietjie meer van ons nuwe lede vertel.



STREEKTOEKENINGS 2014		
André & Jennifer	BARNARD	Buitengewone diens
Werner & Charmaine	BARNARD	5 x Kampleier, 100 Streek Kampe , Buitengewone Diens
Johan & Jakkie	BARNARDO	100% Bywoning, 5 x Kampleier , Buitengewone diens
Ignis & Tessa	BESSINGER	100% Bywoning, 5 x Kampleier , Buitengewone diens
Tobie & Judie	BOTHA	100% Bywoning, 5 x Kampleier , Buitengewone diens
Kenneth & Lizelle	BOTHMA	100% Bywoning
Anton & Dina	CLAASEN	2 jaar aaneenlopend op Bestuur, Buitengewone diens 50 Streek Kampe
Willie & Jackie	CONRADIE	100% Bywoning, 5 x Kampleier, Buitengewone diens Streek Meriete
Eddie & Tania	DEYZEL	100% Bywoning, 100 Streek Kampe, Streek Meriete
Arno & Adele	ENGELBRECHT	Buitengewone diens
Johan & Sandra	FOURIE	100% Bywoning, 5 x Kampleier , Buitengewone diens
Stienie	GROBLER	100% Bywoning
Tommy & Rene	HALL	Buitengewone diens
Richard & Poppie	HEYMAN	100% Bywoning, 2 jaar aaneenlopend op Bestuur, Buitengewone diens, Gebiedsbestuur
Jan & Tanyia	HUGO	Buitengewone diens, 100 Streek Kampe, Streek Meriete
Kallie & Denise	KALTENBRUNN	Buitengewone diens
Flippie & Amanda	KAPP	100% Bywoning
Piet	KAPP	100% Bywoning, 200 Streek Kampe
Frans & Liana	LABUSCHAGNE	100% Bywoning, 2 jaar aaneenlopend op Bestuur 5 x Kampleier, Buitengewone diens, Streek Meriete

Steve & Ischke	LAMBRECHTS	100% Bywoning
Gerhard & Leonora	MOGGEE	100% Bywoning
Gerhard & Annemarie	MOMBERG	100% Bywoning, 5 x Kampeier
Auret & Annelie	MORTON	Buitengewone diens
Theo & Mariana	POZYN	Buitengewone diens
Johan & Karen	RAUTENBACH	Buitengewone diens
Tjaart & Nelia	SNYMAN	100% Bywoning, 5 x Kampeier, Buitengewone diens
Wouter & Alna	STEENKAMP	5 x Kampeier, Buitengewone Diens, Streek Meriete
Elmar & Elsabé	STEYN	Buitengewone diens, 50 Streek Kampe
Johan & Alida	STEYNBERG	100% Bywoning, 5 x Kampeier, Buitengewone diens Streek Meriete, Gebiedsbestuur
Jacques & Zeldri	STRYDOM	100% Bywoning, 5 x Kampeier, Buitengewone diens
Jacques & Zeldi	SWANPOEL	100% Bywoning, 2 jaar aaneenlopend op Bestuur 5 x Kampeier, Buitengewone diens 50 Streek Kampe, Streek Meriete
Gerrie & Lorna	VAN ROOYEN	Buitengewone diens
Johan & Wanda	VAN VUUREN	5 x Kampeier, Buitengewone diens, Streek Meriete
Andy	WAIT	100% Bywoning, 5 x Kampeier, Buitengewone diens 50 Streek Kampe
Ben & Marie	WEITZ	5 x Kampeier



Vrou van die jaar – Zeldrie Strydom



Junior van die jaar – De Wet Steynberg



Gesin van die jaar
Frans & Liana Labuschagne



Senior Burger van die jaar
Oom Piet Kapp



Senior burger trofee – Andy Wait
Oom Wouter het trofee namens hom ontvang



Visvang trofee 2014 – Martin Botha



Bes geklode boemelaars by die 100+ -
Oom Gert en Tannie Luzie Scheepers



Flopper van die jaar – Gerhard Moggee



Man van die jaar – Jan Hugo



Nuusberg van die jaar – Johan van Vuuren






Oos-Kaap

Pine Lodge Bestuurskamp

5-7 September 2014



In teenstelling met verlede jaar se weer was hierdie naweek se weer regte lente weer. Die dae was heerlik en die aande net so bietjie koel. Ons moes noodgedwonge gaste nooi om saam te kamp, want ons moes 10 karavane wees om afslag te kry. Daar was gelukkig hierdie jaar omtrent geen wind nie. Vrydagaand het Johan boekevat gehou en daarna het almal 'n geskenkie gekry van Johan en Alida. Die geskenkies was opgemaak uit skenkings/donasies wat Alida gekry het. Na boekevat het almal bymekaargekom, langs die lapa waar daar 'n oop staanplek was, en heerlik gebraaï. Die gemoedstemming was heel vrolik en gesellig. Daar is heerlik gesmul aan die kos en die lapa was nie eens rêrig gebruik nie. Daar was lekker gekuier rondom die vure tot laatnag. Die nuwe lede op die bestuur het gou welkom gevoel.



Saterdagoggend het almal so bietjie laat geslaap behalwe die twee Jacques, een moes werk om te betaal vir die kamp en die ander een moes sy jongste meisiekind sportdag toe vat in Uitenhage. Die bestuursvergadering het 10 uur begin en moes binne twee ure klaar wees, want daar was rugby om te kyk. Met nabetragting, kon ons maar langer vergader het, want die rugby was maar swak en toe verloor ons ook nog. Die versnaperings tydens die vergadering was heerlik en natuurlik heeltemal te veel. So baie dat die gaste na die vergadering ook nog kon proe aan alles. Die voorsitter en onder-voorsitter se vroue staan darem vir niks terug nie. Baie dankie Alida en Tannie Poppie vir al die lekker eetgoed. Baie van die gaste het gesê dat hulle bereid is om volgende jaar te staan vir bestuur, want daar word lekker geëet by die vergaderings. Die vergadering het goed verloop tot ons natuurlik by die kampprogram kom, daar moes noodgedwonge verskuiwings gemaak word aan die program aangesien die kampterreine nie almal beskikbaar was vir die datums waarop ons besluit het met die AJV nie.

Lekker cocktails by Ziggys



Ons kon darem die rugby kyk



Saterdagmiddag het almal rustig verkeer en sommige selfs 'n uiltjie geknip. Die aand is daar weer boekevat gehou en almal het heerlik saam gekuier om die braaivleisvure. Daar is heerlik gesmul aan die vleis en al die

slaai wat deur die dames gemaak is. Die malva poeding is deur weldoeners geskenk en die vla deur Tannie Poppie. Die warm poeding was 'n wenner, aangesien dit bietjie koel geword het en die luggie so'n bietjie van'n byt in hom gehad het.



Jacques het so bietjie vir tannie Poppie getreiter!



So sluit ons 'n kamp af met middagete by Something Good. Asof ons nog nie genoeg geëet het nie!

Sondagoggend is daar weer boekevat gehou en toe is almal vinnig huis toe, aangesien ons die kampterrein voor 11 uur moes verlaat.

Baie dankie aan almal vir hulle bydrae tot die sukses van die naweek.

Johan Steynberg

'n Kwessie van standarde

Reels en regulasies is daar om 'n rede, maar dan moet dit weldeurdag en prakties wees, sê Prof. Neels van Heerden.

- As 'n mens na die Suid-Afrikaanse Buro vir Standaarde (SABS) se vereistes kyk, voldoen die meeste woonwaparke nie daaraan nie, selfs nie eers die Sanparke se kampplekke nie.
- 'n Paar voorbeelde van dinge wat tans in SANS (South African National Standards) 10092:2004 vervat word:
- 'n Kampplek moet naby 'n vulstasie geleë wees (Hoe naby is naby?)
 - 'n Kampplek mag nie oor meer as 30 staanplekke per hektaar beskik nie (Veral see-orde gaan in hierdie geval baie staanplekke moet inboet)
 - Die minimum-grootte van 'n staanplek word aangedui as 8x10m, maar later word gemeld dat staanplekke nie kleiner as 120m² mag wees nie
 - Paaie in die kampeerterrein moet minstens 6m breed wees (Dit is breër as die strate in sommige voorstedelike woonbuurte in die land.)
 - Staanplekke moet minstens 10m uit mekaar wees
 - Staanplekke moet net gras hê (dus nie plaveisel nie)
 - Woonwaens mag nie met die hand tot op 'n staanplek gestoot word nie
 - Geen staanplek mag nader as 10m van 'n gebou af wees nie (Hoe gemaak met private ablusieblokke?)
 - Elke ablusiegerief moet 'n voetbad verskaf (Dit het ek nog nooit in enige woonwapark gesien nie)
 - 'n Wassery moet beskikbaar wees as die kampplek meer as 25 staanplekke het
 - Die kampplek moet heeltemal omhein wees (Dis nie altyd prakties nie- dink maar aan 'n kampplek langs 'n rivier of dam.)
 - Minstens 500L water per staanplek moet daagliks verskaf word (Dis omtrent hoeveel water 'n gemiddelde huishouding per dag gebruik.)
 - Wasbakke in die ablusieblokke moet afgeskerm word van mekaar
 - Die kampplek moet snags belig wees
 - Net een tent word op elke staanplek toegelaat
 - Slangbytsers moet verskaf word (In die hande van 'n amateur is daardie serum gevaarliker as die slang.)

Geneem uit WegSleep November 2014

Kongres 2014

Buffelspoort 12 – 14 September 2014

Wat 'n voorreg om die Oos-Kaap te verteenwoordig by hierdie jaar se Kongres te Buffelspoort. Ek wens dat meer van ons lede hierdie groot geleentheid in SAWA kan bywoon.

Ons het vroeg die Vrydagoggend vertrek van Port Elizabeth lughawe na OR Tambo in Johannesburg. Die vlug was rustig met geen ernstige sinkplate op die pad nie, alhoewel dit maar taamlik bewolk was. By ons aankoms op OR Tambo moes ons halfpad terugloop Oos-Kaap toe voordat ons by die huurmotor kon uitkom. Nadat ons natuurlik die nodige paar duisend betaal het as waarborg dat ons nie die motor gaan steel nie het ons die pad gevat na Buffelspoort. Die "GPS" het ons tot by die poorte van Buffelspoort geneem. Was bietjie bekommerd oor haar vermoë om ons daar uit te kry, aangesien die paaie daarbo baie verander het nadat ek haar laas opgedateer het.



Gelukkig het ons motortjie, 'n splinter nuwe Fiësta of was dit nou 'n Ford Figo, 'n lugreëling gehad, want 30°C is geen grap nie. Ons is hartlik verwelkom met 'n "melktertjie" en heerlike koue koeldrank of iets sterker as jy wou hê. Daar was ook boerewors rolle om aan te smul. Die res van die middag het ons rustig verkeer en gesels met die ander lede van die ander streke wat ook ingevlieg het vir die Kongres. Streek Wapadrans het heerlike vrugte, kouevleis, kaas, brood, koeldrank en sap, in ons bungalow voorsien.

Vrydagaand het ons boekevat gehou in die Buffelssaal en daarna is daar heerlike hamburgers bedien aan al die kampeerders. Daar was 'n kontantkroeg beskikbaar waar die nodige verversings aangeskaf kon word. Hierdie is nogal 'n interessante tipe kontantkroeg, want hoe later die aand, hoe duurder het dieselfde drankies gekos. Blikkie koeldrank was eers R11.50 en teen die einde van die aand R14.50. Glasie rooiwyn was R12 toe later R40 en toe nog later moet jy 'n bottel koop teen R75. Bier was aan die einde van die aand R19. Die ergste van alles was dat dit alles op dieselfde geprogrammeerde tellermasjien gedoen was. Dit was nogtans 'n heerlike gesellige aand tussen al die ander lede.

Saterdagoggend om 7:30 was daar koffie en beskuit vir die Kongresgangers bedien. Die vergadering het stiptelik om 8 uur begin met die uwe wat moes open met Skriflesing en gebed. Teen 11 uur is daar gestop vir pouse waartydens fotos geneem is van al die verteenwoordigers en gaste. Die kwik het toe alreeds op 30°C gestaan. Die vergadering het verder gegaan en daar was nuwe bestuurslede verkies. Teen 1 uur die middag, met die kwik op 32°C en geen wind nie, is die vergadering verdaag.

Die res van die middag het ons maar rustig verkeer en bietjie die kampterrein verken.



Saterdagagaand 18:30 het die dinee begin en is daar verskeie pryse en toekennings aan die lede oorhandig vir uitmuntende diens gelewer of vir prestasies op ander gebiede. Oos-Kaap het darem 'n paar pryse/toekennings gekry. Die ete was heerlik en ons het dit baie geniet. Aan ons tafel was daar ook lede van ander streke, onder andere ook 'n lid vanuit die Vrystaat wat 'n jare lange vriend van Goofy is.

Oom Daan is ook bedank vir sy jare lange toewyding aan SAWA en is erelidmaatskap toegeken vir sy harde werk. Ons is trots op jou oom Daan, dankie vir alles wat jy vir ons hier in Kaap Middellande gedoen het.

Sondagoggend het ons die erediens bygewoon en het toe so bietjie die kampterrein gaan verken. Ons het weereens met van die ander lede gesels en genooi om saam met ons te kom kamp in die Oos-Kaap. Moet sê dat daar nie veel klein karavane is in Gauteng nie, baie dubbel-as karavane en boswaens. Ons het teen 2 uur teruggekeer na OR Tambo en het toe die hele lughawe vol geloop om die tyd om te kry. Liana moes natuurlik toe haar tas op die lughawe oopmaak en van haar skoene en ander goedjies uithaal om die gewig ligter te kry. Nogal 'n snaakse gedoente gewees om te aanskou.

Liana sal moet leer om of ligter te pak of om minder te "shop". Arme Frans moes hard spook om die tas ligter te maak!



Baie dankie aan streek Wapadrand en Juliana vir al die reëlings met die Kongres asook die verblyf en vervoer wat julle vir ons gereël het.


Johan Steynberg



Oos-Kaap

Bergrivier Boskamp

19-21 September 2014



Maande voortyd was daar reeds begin met die beplanning van die boskamp vir 2014. Daar was onder mekaar gesels waar sal ons hierdie keer gaan bos. Ek het ook geweet dat dit baie moeilik gaan wees om die vorige boskamp te kan namaak. Nadat mede-Sawanante my aanbeveel het om te gaan kyk na die Bergrivier-oord, het ek en Tanya een Sondag uitgery en was dadelik beïndruk en oortuig dat dit die plek gaan wees vir die volgende boskamp.



Die tyd het aangebreek vir boskamp 2014, en ek het die Vrydag verlof geneem om soos met die vorige boskamp, eerste daar te wees en al die kampeerders te verwelkom. Ongeveer 10:00 het ek en Tanya gery om die einaar eerstens te gaan verwittig dat die res op pad is, en dat ons die mede bos kampeerders kon verwelkom. Die weer was nie baie aangenaam die Vrydag nie, maar ons sal die beste van hierdie saak maak, net soos met al die ander Sawa kampe.



Ongeveer 15:00 het Tinkie en Michelle by ons aangesluit en vinnig het die res gevolg. Met boekevat en inbetaling was ons dan 12 tentkamp-gesinne wat reeds daar was. Vinnig is inbetaling gedoen en die gelde gebalanseer. Tanya het vir ons boekevat gehou met die tema van "Het jy twee rigtings". Daarna het ons gou die gelde gaan inbetaal. Met ons terugkeer het Johan Rautenbach ons verras deur ook by ons aan te sluit wat ons dan 13 kampeer gesinne gemaak het.



Vrydagaand is daar net rustig gekuier om die braaivleisvure. Die nag was bitter koud en daar was ook heelwat "leus" wat in die kampterrein gebrul het (of was dit die manne en vroue wat so gesnork het). Teen 06:00 was

almal reeds wakker en uit die tente aangesien dit bitter koud was en daar is vuur gemaak om bietjie hitte te maak. Tot ons verbasing het die weer gedraai en was dit n lieflike dag en aand, die Saterdagdag het almal dan ook lekker kon slaap en was dit glad nie so koud nie.



Saterdagoggend 09:00 het Tanyia weer vir ons boekevat gehou, hierdie keer was die tema “Dra mekaar se laste”. Daarna het ons die staproete deur die kloof aangedurf tot by die waterval, net Willie Conradie was bereid om verder te loop, en sy terugvoering was dat dit nog mooier verder aan is. Terug by die kamp het almal verder rustig verkeer. Later toe die moegheid bietjie gekwyn het, het n klompie van ons bietjie jukskei gespeel tot groot vermaak van die res, want sommige van ons kan glad nie n skei gooi nie.

Saterdagagaand het ons dan die kampvuur konsert gehad waar die meisiekinders ons vermaak het met hul dans passies en natuurlik het Jacques Strydom en sy span dan die jakkals vang-metode vir ons gedemonstreer. Verder is daar heerlik gebraai en gekuier. Daar was maar vroeg ingekruip. Teen 22:00 was dit doodstil in die kampterrein, want almal was maar moeg na die lang dag en al die aktiwiteite. Sommer gou het die “leeus” weer die kampterrein besoek.



Sondag was daar maar lui-lui opgestaan en het ek dan vir ons die kerkdien hanteer met die tema van “Genade”. Sommige het vroeg opgepak, want die kinders skryf eksamen. Die wat dan nog agtergebly het, het dan heerlik kos gemaak en later ook maar huiswaarts gekeer.

Ek bedank dan ook almal wat die moeite gedoen het en hierdie kamp meegemaak het. Dit was n plesier om dit vir julle te kon reël. Ek hoop almal het dit net so baie geniet soos ek en Tanyia.


Groete

Jan Hugo



Rautie het vir die kinders ‘n koei gevang om te melk. Hulle het dit vreeslik geniet!

Jacques het 'n vreeslike seer skouer gehad, maar dit het hom nie verhoed om sy lyf bietjie cliffhanger te hou nie!



Kampresep

CHEESY BRAAI PIE

Ingredients

- 2 rolls puff pastry, defrosted
- 15ml sunflower oil
- 1 onion, finely diced
- 1 red pepper, finely chopped
- 400g chicken fillet, cut into strips
- 250g lean bacon bits
- 1 KNORR thick white onion soup
- 1 bunch spinach, cleaned, deveined and roughly chopped
- 1 punnet sliced button mushrooms
- 200g mozzarella cheese, grated
- 1 round feta cheese, crumbled
- 1 egg, lightly whisked



Method


1. Heat oil in a pan and gently fry the onion and red pepper until soft. Add the chicken strips and brown well then add the bacon bits and fry until cooked
2. Remove from pan and set aside to cool
3. Spray the braai grid well
4. Unroll one of the rolls of puff pastry onto the first grid
5. Place a layer of spinach over the pastry then top with the chicken mixture
6. Sprinkle the contents of the sachet of KNORR soup powder over this
7. Add a layer of sliced button mushrooms over this and then add the cheeses
8. Finish with another layer of spinach and then place the second roll of puff pastry as if making a pie
9. Lightly brush with egg and make three small incisions in the top of the pastry to allow steam to escape
10. Place high on a very cool braai and allow to cook for about 20 minutes turning the pie over often



Oos-Kaap

Gamtoos

19-21 September 2014



Van ons was Vrydag al lekker vroeg by die kamp. Die wind het gewaai of hy betaal word, maar 'n goeie SAWA gesin laat hom nie so maklik afsit nie. Vrydagaand het ons boekevat en inbetaling gedoen en die wind het genadiglik gaan lê. Ons het lekker gebraai en gekuier.



Saterdagoggend het ons vroeg al die tafels reggekry vir die poeding verkope. Tien uur het ons boekevat gehou en daarna het almal lekker gesmul aan die poedings. Baie dankie aan almal wat poedings gemaak en gekoop het. Daar is ook 'n koek uitgeloot en oom Andy was die gelukkige wenner. Dit was 'n perfekte somersdag en die weer was nog tot laat die aand baie lekker.



Sondag was weereens 'n baie mooi dag. Jakkie het vir ons 'n kerkdienis gehou. Traag het ons maar begin om op te pak. Van die lede wat die boskamp bygewoon het, het oppad terug van Bergrivier af by ons aangesluit en gebraai.



Baie dankie aan almal wat die kamp meegemaak het.

Groete
Richard Heyman

Advertensieblad

Indien u belangstel om u besigheid of enige ander advertensie hier te wil plaas kontak my gerus.

Die kostes vir die advertensie is R150 vir 'n halwe blad en R300 vir 'n volblad wat dan ongeveer 6 uitgawes is. Daar sal geen groter advertensies aanvaar kan word nie, en slegs een advertensie per maatskappy.

Advertensie tydperk strek vanaf AJV tot AJV of 'n gedeelte daarvan.

Alle gelde moet asb. by die Penningmeester (Tessa Bessinger) inbetaal word alvorens u advertensie geplaas kan word.

Email: ischke@yahoo.com

Sel no: 072 800 8723

Lede Indeling

<p><u>JOHAN STEYNBERG</u> Stienie Grobler Flippie & Amanda Kapp Theo & Mariana Pozyn Stan & Marguerite Vermeulen</p>	<p>Willie & Martie Gummow Gerhard & Leonora Moggee Anton & Dina Claassen Pierre & Shannett Greyling Anton & Rozelle van Mollendorff</p>	<p>Christo & Dianne Jonker Gary & Juliana Oelofse Elria Stanford Elmar & Elsabe Steyn</p>
<p><u>RICHARD HEYMAN</u> Werner & Charmaine Barnard Tertuis & Latella du Toit Reitz & Sussie Kruger Paul & Juanita van Aardt Frank & Kristie Fourie</p>	<p>Johan & Jakkie Barnardo Casper & Philna Jerling Charl & Lynette Potgieter Johan & Petro Slabbert</p>	<p>Morne & Ruth Basson Anton & Karin Knoetze Jaco & Elsabe Le Roux Ben & Marie Weitz</p>
<p><u>LIANA LABUSCHAGNE</u> Kenneth & Lizelle Bothma Eddie & Tania Deysel Johan & Sannie Williams Peter & Leonie van Rensburg Marius & Beata van Rensburg</p>	<p>Gerhard & Michelle Bosch Adriaan & Christa Viviers Naas & Corne Terblanche Theo & Susan van Brouwershaven</p>	<p>George & Karin Brand Dwayne & Anneke Lerm Gato & Estelle Ferreira Ds Rudi & Natasja van Tonder</p>
<p><u>ANDY WAIT</u> Willie & Jackie Conradie Gert & Luzie Scheepers Pieter & Bettie Venter Malcolm & Sandra Wait</p>	<p>Johan & Gesina Vermaak Germano & Dina Small Piet Kapp Danie & Maretha Zeelie</p>	<p>Cecile Meyer Wouter & Alna Steenkamp Leon & Liz von Waltzleben</p>
<p><u>KAREN RAUTENBACH</u> Gerrie & Isabella Bezuidenhout Hansie & Elna Jonck Tjaart & Nelia Snyman Mario & Michele van der Westhuizen</p>	<p>Cora Brophy Sakkie & Alida Kinghorn Jan & Tanya Hugo Kobus & Lorenda van Eeden</p>	<p>Goofey & Elmarie Fouche Eddie & Rentia Nance Elsabe Pattinson Louwtjie & Erika Heunis</p>
<p><u>TESSA BESSINGER</u> Bossie & Ronnie Boshoff Gerrie & Vanessa Rens Johan & Kobie Rossouw Kallie & Denise Kaltenbrunn</p>	<p>Barend & Lenie Swanepoel Leon & Marina Renierse Gerrie & Lorna van Rooyen Grant & Sonnette Willett</p>	<p>Cynthia Didloff Tobie & Judie Botha Shaun & Madelyn Victor Andre & Marietjie Venter</p>
<p><u>ZELDRI STRYDOM</u> Tinus & Eurika Claasen Pieter & Elise du Preez Rassie & Derinee Erasmus Gerhard & Annemarie Momberg Chris & Adele Bezuidenhout</p>	<p>Duppie & Emsé du Plessis Arno & Adele Engelbrecht Markus & Riana Pottas Gerhard & Pauline Human</p>	<p>Chris & Magda Coertze Ferdie & Betsie du Toit Susan Smith Gustav & Janine Nel</p>
<p><u>ZELDA SWANEPOEL</u> Andre & Jennifer Barnard Tommie & Rene Hall Andre & Rika Muller Mario & Vicky Weitz Eric & Wilna Noack</p>	<p>Christo & Michele Blignaut Ettienne & Marohessa du Prees Sieg & Charlene Slabbert Anton & Theresa Wilemse</p>	<p>Ettienne & Zunel Fourie Steven & Sandra Meyer Eben Weitz Louis & Rene Botha</p>
<p><u>STEVE LAMBRECHTS</u> Jacques & Salome Botha Benji & Yvette Erasmus Johan & Sandra Fourie Ettiene & Michelle Smit</p>	<p>Auret & Annelie Morton Roderick & Laura van Wyk Theo & Monique Buchner Jacques & Jacqueline Whittle</p>	<p>Pierre & Wilma Stander Warren & Janine Nance Johan & Wanda van Vuuren Werner & Lizelle Visser</p>



Verjaarsdae



Oktober			November		
1	*KINGHORN	Jeandré	1	DU PREEZ	Etienne
3	HEUNIS	Loutjie	2	STEENKAMP	Wouter
3	NANCE	Rentia	2	* HALL	Ruan
3	VENTER	Bettie	3	VAN DER WESTHUIZEN	Michelé
6	HEYMAN	Richard	3	FOURIE	Kirsty
8	SLABBERT	Johan	5	BARNARD	Jennifer
8	TERBLANCHE	Corné	9	*HUMAN	Matthys
11	VENTER	Andre	9	WAIT	Andy
13	* MEYER	Kevin	12	DU PLESSIS	Duppie
13	VERMAAK	Johan	12	VON WALTZLEBEN	Leon
15	BARNARDO	Johan	15	VERMAAK	Gesina
17	ERASMUS	Flossie	18	* MORTON	McKaylee
18	JONCK	Elna	22	POTTAS	Riana
19	POTGIETER	Charl	23	*Van Tonder	Migael
20	* RENS	Janke	24	ZEELIE	Danie
20	* STEYNBERG	De Wet	26	* SWANEPOEL	Zelvoné
20	SMIT	Etienne	27	* WHITTLE	Janneke
23	LAMBRECHTS	Ischké	30	* VICTOR	Kristen
25	SLABBERT	Sieg			
26	KAPP	Amanda			
27	WEITZ	Eben			
30	DU PREEZ	Marohessa			



JAARPROGRAM : 2014 / 2015



SAWA Oos-Kaap
 **(7 VAN DIE 9 STREEK SAAMTREKKE TEL VIR 100% BYWONING)
 **(SB – SENIOR BURG SAAMTREKKE)

MAAND	DATUM	KAMP	OORD	100%	KAMPL.
AUGUSTUS	15 – 17	AJV SB	VAN STADENS	1	Bestuur
SEPTEMBER	5 – 7	Bestuurskamp	PINE LODGE		Johan S
SEPTEMBER	12 - 14	<i>KONGRES</i>			
SEPTEMBER	19 – 21	Streek	BOS/GAMTOOS	2	Jan/Richard
OKTOBER	24 – 26	Streek	WILLOWS	3	Tessa
<i>OKT/NOV</i>	31/10 – 2/11	<i>NUB</i>			
NOVEMBER	14 – 16	Streek SB	VAN STADENS	4	Zeldri
DESEMBER	5 – 7	Streek	MANGOLDSPOOL		Liana
JANUARIE	(12)16 – 18	Streek	SUMMERWOOD	5	Zelda
<i>FEBRUARIE</i>	<i>9 – 11</i>	<i>NUB</i>			
FEBRUARIE	13 – 15	Streek SB	WILLOWS	6	Johan
MAART	6 – 8	100+	VAN STADENS		
MAART	20 - 22	Streek	GAMTOOS	7	Karen
APRIL	3 – 6	Streek	PAASNAWEEK		Richard/Liana
APRIL	<i>24 - 27</i>	Gebiedskamp	KEURBOOMS		
<i>MEI</i>	<i>8 – 10</i>	<i>NUB</i>			
MEI	15 – 17	Streek	GEHEIM	8	Zelda
JUNIE	12 – 14	Streek	PEARSONPARK	9	Steve
JULIE	4 - 12	Streek	WINTERTOER (GEHEIM)		Tjaart
JULIE	17 – 19	Streek	SITRUSOEWER / ADDO		Richard/Johan
<i>AUG/SEPT</i>	<i>31/7 – 2/8</i>	<i>NUB</i>			
AUGUSTUS	7 – 10	AJV SB	WILLOWS	1	Bestuur
SEPTEMBER	4 – 6	Bestuurskamp	PINE LODGE		Voorsitter
SEPTEMBER	11 – 13	Streek	BOS / GAMTOOS	2	Zelda/
<i>OKTOBER</i>	<i>16 – 18</i>	<i>KONGRES</i>			
OKTOBER	23 – 25	Mini-Gebied SB	VAN STADENS	3	
<i>NOVEMBER</i>	<i>6 – 8</i>	<i>NUB</i>			
NOVEMBER	20 - 22	Streek	MANGOLDSPOOL		
DESEMBER	4 – 6	Streek SB	WILLOWS	4	

SAWA streef daarna om



Vir Afrikaans-georiënteerde kampeerders die geleentheid te bied om binne 'n Christelike konteks, 'n tuiste te bied waar hulle hul beginsels en kultuur kan uitleef.

- Vir kampeerders die geleentheid te bied om saam met gesgenote so bekostigbaar as moontlik te kampeer.
- Die belange van SAWA-lede te bevorder deur onderhandeling en samewerking met ander instansies.
- Die balans tussen die belange van die mens en die natuur te handhaaf.
- In alles die hand van die Skepper te sien en Hom daarvoor te huldig.

SAWA onderskryf die volgende waardes:

Christenskap
Lojaliteit
Respek
Integriteit
Eerlikheid
Diensbaarheid
Verdraagsaamheid

Uit die SAWA Webblad